

چالیشانلرک یوردی

۲

(باشی کچن صاییده)

بکرش موقفه واصل اولنججه قدرینه اوبغداي آرپه تپه لرینک دالغه لانه سنی
 نهایتسنر تو الیسنی سیرایتدک. بکرشه یاقلاشدقجه قلمزده براندیشه آرتیوردی.
 بزى بکرشلیلر نصل استقبال ایده جکلر ، نطق ویره جکلرمی؟ چوغمزک پک ایی
 طانیادیغمز رئیسمر جوابنده موفق اوله جقمی؟ بونلر بزى دوشوندریور ،
 قورقوتیوردی . مملکتندن هنوز چیقان ، اجنبی طور اقلرنده هنوز سیاحته
 باشالایان بزم گبی عجمی سیاحلرک بر پایتخت قپوسنده مکلف برصالونه کیره جک
 کویلی کبی کندنده بحرکسزک ، تعبیر مخصوصیله سویله یم ، صالاقلق حس ایتمی
 ضروریدر . او ائاده بری جمله مزه خبر ویردی : بکرشه کله مزه بش
 دقیقه وار . باشقه لرینک قلبی نصلدی بیلمیورم ، فقط بنمکی ، بیچاره ، نصل
 چاریوردی . نهایت دالغلی ، متهاجم ده کیزلرک کورولتوسنی آندیرر برولوله
 دویمغه باشلادق . ترن درجه درجه یاواشلادقجه اوسس ، اوکورولتو آرتدی .
 شاپقه لرینی چیقارمش مندیللرینی صالالایان ، بزم هیجانندن ، یورغونلقدن
 صاب صاری اولمش یوزلریمزه قارشى « تریاسقا تورکیه » (یاشاسین) تورکیه دیه
 حایقیریشان بیکلرجه انساندن متشکل بر ازدحام آره سنه کیردک .. وودوردق .
 ترنک قابولرینی آچدیلر . بردزو اینه میورز . ایلك دفعه قار کورمش طاووقلر
 کبی یره باصمقدن قورقیورز . فقط اینمک لازمدی .. بلکه بتون بکرش
 استقبالمزه کلشدی . اوراده دوران دیکر ترنلرک اوسته آدملر چیقمش ،
 موقوفک دامنه آدملر چیقمش ، دیرکلره آدملر صارلمش ، پنجره لردن آدملر
 طاشمش ، اطرافزى بزه نفس آلدیرمایه جق قدر آدملر صارمشدی . بونی
 کورونجه بستیون شاشیردق . قادینلرک دیدیکی کبی چوجوغمزک ترسی دوندی .
 او ائاده خلقلک آره سندن یوکسک سسله بری خطاب ایتمکه باشلادی .
 هرکس صوصدی ، حرکت کسیددی ، اونى دیکلمکه باشلادق . صالقیق یاناقلی ،

جام کبی آجیق مائی کوزلی، شیشمان صاری برآدم، بررومانیالی بزه ایراد نطق
ایدیور. ایلك سوزی بنده نهایتسز برالشراحه سبب اولدی: مه سیوله ویزیتاتور
دیدى .. ویزیتاتور .. الله بر یا کلتش .. کندیمه دیدم که باشد بونی یاقلادق ،
البت بیترنجهیه قدر برقاج دانه دها یابار، نه بزمکینک ده برقاج یا کلتشی اولورسه،
ایکیسی ده بر برینه او یغون دیرزه اولور بیتر. فقط تخمینم، حتی ارزوم خلاقه
اوله رق، خطیك ایلك یا کلتشی عینی زمانده صوک یا کلتشی ایمش. او، بیتردی.
نفسمزدن، ملیتمزدن صوک درجه ممنون اولمشدق. چونکه نطقک ایچنده صمیمی،
جدی کورونن بر جوق مدایح واردی: یابدیغمز انقلا بک یالکز بزه دکل، انسانلغه
بر شرف و یردیکنی، تاریخ بشریتک یکی بر دوره یه کیردیکنه دلالت ایدم جک
قدر اصیل اولدیغنی سوبلیور، سزه بتون دنیانک محبتکار و توجهکار قوالری
آچیلدیغنی بر زمانده رومانیا زیارتکیزی قبول ایتمکله، بوشرفه نائلیتله مسعوددر،
دیورلردی ..

نطق بیتدی، بک جوق آلقیشلادق ، یاشاسین رومانیا دیه بتون قلبمزله
حایقیردق ، قورقاقلغمزک بر قسمی ده بو حایقیریشله برابر آغزیمزدن قاجوب
کیتدی. هپ بردن رومنجه. تورکجه برمدت، تکرار تکرار باغیرشدق. بو حضور
قلب بو سوینج اوزون سورمدی ، صره بزمکینه کلتشدی ، شیمدی ، او
سویله یه جک . رئیسمری فکرلری ، لسانی اعتباریله سزه تقدیم ایتمدن ،
مساعده کزله وجودی ، قیافتی اعتباریله تقدیم ایدم : اوزون بویلی شیشمان ،
غایت کوسترشلی برآدم . جکیک ، قویو سیاه ، کیرپیکلی سورمه لی کوزلر ،
منتظم، سیورنجه برصقال، قورشونی بروه ستون، یلکنک اوستده قالین آلتوندن
برزننجیر. کولرله آغلار آرمه سنده مشمئز بریوز ، اسکی برمتصرف، برمکتب عالی
مأذونی . صنعت خطابتک سالک لرندن ایستدیکی اشکال ظاهریه اونده تمامیله
موجوددی . بوجهتله مطمئن اوله بیلیردک . رومانیا لیلرک و بزم انظارمن اوکا
توجه ایتمدیکی وقت بویله، بوی اندامی یرنده، کوسترشلی برآدم تماشاییدیوردق.
باشی دوغرولدی ، کوزلری دیکلدی، آرتق سوبلیور ، و تورکجه سوبلیور :
« مقدس روما ایمپراطورلنی بزناستانبولدن قالقدق، بورایه کلدک ... »

آه بردنبره بیوک برزلزله اولسه و بز طویراقلرک ایچنده غائب اولسه یدق . ایلک سوزده چاره سنی بولدی ، اوچ یا کلش یاپدی ، بونه موفقیت . ! ! کیتدی کمز یرنه دن مقدس اولسون ، بوراسی پاپالق مقامی دکل که ... صوکره رومادکل ، رومانیا ، ایمپراطورلق دکل ، قیراللق ! قالقدق ، تااستانبولدن بورایه کلدک دییور ، استانبول بکرشه اوقدر اوزاقی ؟ بزم ایچون برتک امید ، برتک امید تسلی واردی : بلکه رومانیا لیلر کندی لسانمزده یاپیلان بو خطالری آکلاما مشلردی . یازیق که بوا مید چوق سورمدی ، چونکه بکرشک هر گوشه سنده ، غازینولرده ، لوقانطه لرده ، پاسته جی دکانلرنده ما کدونیا دن کلش برطاقم عثمانلی اولاحلرک تورکجه قونوشدقلرینی ایشیدییوردق . صوکره بو خطالرده کفایت ایتیمورمش کبی برده بتیره مه مک بلاسنه اوغرامازمی ؟ سس هیمزه ، جمله خلقه آمین دیدیرته جک بردعا حالنی آلدی . فقط نهایتی کلییور ، بردرلو بتیرمک ایچون لازمکن نغمه انتهاینی بولامیور . قراله دعا ایتدی ، قرالیچه یه دعا ایتدی ، اردویه دعا ایتدی ، مملکته دعا ایتدی ، حتی موجود اولمایان رومانیا دونماسنه بیله دعا ایتدی ، فقط ینه بتیره مدی ، دها دعا ایدمه جک شی آرییور .. اتکندن چکدک ، قولنی چیمدی کلدک ، بز ایتدک سن ایتمه دیدک اونی صوصدیردق اما بزده نه حاله کلدک .. بزم خطیب نطقنی بتیردیکی وقت بونی فرانسزجه یه ترجمه ایتمک ایچون یولجیلردن برینی انتخاب ایتدیلر ، شبهه یوق که مترجم نطقک برچوق اقسامنی ده کیشدیردی ، دعالری قیصالتدی و اولمایان دونما حقنده برتمنیده بولنمادی . اک اوگده عسکری برموزیقه ، ارقه ده رنکارنک لباسلر مز ، رنکارنک شمشیه لرمز ، رنکارنک بوتینلر مزله کاغدخانه دونوشلرینی خاطراتان بزم فسلی ، توزلی قافله ، اطرافزده ، ارقه مزده بکرشلیلرک شایقه لی نهایتسز ازدحامی . موقفک ارقه سنده کی میدانه چیققدق : کذرکا همزده پولیسلر سلام دورییور ، بالقونلره کلیملر آص مشلر ، عثمانلی رومانیا بایراقلریله جاده لرک ایکی یاتنی سوسله مشلردی . یخبره لرده ، قبولرده برصراق یوزلرجه چهره اوستمزه متبسم کوزلرینی دیکمش ، دونکی اولرینه شیمدی مسافر کان تورک لری سیر ایدیورلر . جاده لرک آره سنده طغیان ایدمه جک بر نهر کبی صیقیشه صیقیشه کچیورز .

اوتلارمزه کلدک . صیجاق اوقدر زیاده ایدی که استقبالمزه کلن مهمانواز
بکرشیلرک نصل تحمل ایدوب بزی بوقدر بطلی بر یورویشله بوقدر آغیر ،
بوغوجی برکونش آلتنده اوتلارمزه قدر تعقیب ایتدکرینه شاشیوردق . اوتلده
اوطه لرمزه چکیلرک کندیمزله کوروشدیکمز وقت رنگمز ده کیشمش ، یوزمز
ده کیشمش ، چوق صقنتی جگمش ، چوق یورولمش ، بالخاصه چاربتیدن بیتمش
برحالده ایدک .

بکرش یپ یگی ، غایت معمور ، غایت کوزل ، ترمیز برشهر . جاده لری
اسفالت دوشه لی ، کنیش ، بناری بر بویده ، طاشدن یاپش . نه طرفه باقه کز
کوربیورسکزکه بوراده یاشایان ملت ، حیاتی اوج کونلک برمسافرلک عد
ایتمور ، یایدینی شیلرک بایدارولمسی ایستور . ملتیرک شرفیله اولرک شهرلری ،
بناری ، یوللری آرمسند بیک برمناسبت اولدیغنه قاعددر .

رومانیایلر وجوده کتیردکاری بنالره افتخار ایدیورلر . مثلا امنیت
صندینی بناسنی سزه کزدیرلرکن یوزلرنده کی ممنونیت بردها خاطرکزدن
چیقمایه جق قدر دریندر ، معنیداردر . اجتماع سالونک بیضی قبه سی ترین
ایدن لوحه یی سزه اشارت ایدر ، عینی زمانده بونک ایتالیادن کتیرتمش هانکی
مشهور رسامه یایدیرلدیغی وقاج بیک لیرایه مال اولدیغی کال اهمیتله اکلاتیرلر .
آیاقلرکزک آلتنده رسمکزی تکرارایدن مجلا پارکه لری طولاشیرکن یاسکزده کی
آدمک محضا ، سرای عنواننه لایق اولان بو محشم بنادن دولایی نفسنده سزه
قارشی بر حق رجحان بولدیغی یک آشکار بر صورتده دریارسکز .

بکرشده هر حکومت قونای حقیقه بر سرایدر وهر بری آیری آیری
دکل بکرشده ، پارس کی ، لونده کی ، برلین کی ، بیک باحتقارده بر موقع
طوتمغه لایقدر دیه بیلیرم . امنیت صندیغنه کیرویده مجوهراتکزی ، پاره کزی
تسلیم ایتدکدن سوکره قلبکزه برحس شبهه کیمرسنه امکان یوقدر ، بنا اوقدر
معظم ، اوقدر مکلف ، اوقدر بروقادرکه ، بونک داخلنده مالکزه خیانت
ایدیله بیله جگنی تصور ایدم مزسکز . باصه ماقلرندن حرمتله ایجری کیر
وحرمتله ، امنیتله دیشاری چیقارسکز . پوسته - تلغراف - تلفون نظارتی ،

بالخاصه خارجيه نظارتى سزده اويله برحس حاصل ايدركه پاركلرينك اوستنده
يواش باصار، يواش قونوشور، چكينه رك كيدر، چكينه رك كليرسكز، صوقالرينك
اطرافنده كى قابولر آجلدينى وقت بر مأموردكل، بر حكمدار چيچه جق ظن ايدرسكز.
رومانيايلر پايختلرندە ، بر صنايع نفيسه موزه سى ، معدنيات ، نباتات
و حيواناته مخصوص اولمق اوزرده ايريجه اوچ موزه وجوده كيرمشر .
مكتب خواجهلرينه بوموزلر تدريسات اعتباريله نه قدر فائده بخش اولور
دوشونكز . برده انجمن دانشلى وار . بكرشده بنى اك چوق دوشوندير
جهتلردنبرى بلديه باغچلرلى اولدى . هر بيوك محله نك اورته سنده تميز ، منتظم
حوضلى ، بيوك آغاچلريله بر باغچه وار . بونلر كيرمك ايچون ، بوراده اولدينى
اوزره ، خلق بر اجرت تاديه سنه مجبور دكلدر . صباحدن اقشامه قدر چاليشمش
ارباب مساعينك ، خصوصيله كوچوك مأمور و ايشجى طاقنك پاره سز ديككنه جك ،
نفس آله جق بر چوق باغچلر بولملرلى نه بيوك بر نائلتدر .

رومانيايلر بتون بو آثار عمران و مدنيتى نه وقت وجوده كيرمشر .
بونه كشف بر سى و فعاليتدر . دنيله بيلير كه رومانيايلر قرانلقلردن شعشعه دار
بر كوندوز ، خرابهلردن بر معموره ، بر جنت چيقارمشر . بكرشك بلديه
باغچلرلى آره سنده اك شايان دقت كورديكم ، الا ن بر تورك اسمى طاشيان
« چشمه جى اوغليدر » بو ، بزم تقسيم باغچه سى كى درت بش دانه سنى احتوا
ايدم بيلير ، صارى قوملرله اورتاش ، كنيش يوللرينك ايكي ياننده بيوك چنارلر ،
اخلامور اغاچلى وار . قيورانه قيورانه ، دارالهرق ، كنيشليه رك كوپرلرالتندن
كچن ، آطلر وجوده كتيرن كوللرده صنداللرله كوچوك تنزلرلر پاييورلر .

رومانيايلرلك حقمزده كوسترديكى آثار نزاكتى ، آثار دقتى سزه نصل
اكلاته يم ؟ كوچوك چوققلردن اختيارلرله قدر هر كس بزي خوشود ايتمك
ايچون بر وسيله آرييوردي . بر اقشام بلديه نامنه بزه چشمه جى اوغلنده معنا
بر ضيافت ويرديلر . كول اورته سنده بر آله جقده هلال شككنده بر سفره
قورمشاردى . اوزون ديركلرك اوچنده عثمانلى بايراكلرى و رومانيا بايراكلرى
سالانيوردي . برده كولك قارشى ساحلنده كوچوك بر كوشك ايچنده دائما

موزیکه چالنیوردی بزمک یرکن سولرک اوستندن اوچان موسیقی بی، ملی
 هوالزمزک بوراده هریردن دها طاتلی کان نغمه لرینی دبکییوردق. یمک دوام
 ایتدجکه آطه مزى باغچه یه ربط ایدن کوپرینک مدخلنده کولک ساحلرنده کیت
 کیده متزاید برخلق بریکدی، بلکه تورکلرک نصل یمک یدکلرینی مراق ایتشلردی،
 بلکه یمک ختامنده ایراد ایدیله جک نطقله انتظار ایدیورلردی. آرده، عثمانلی
 بایراغی رنگارنده ایچی آیدینلق بیوک برکاغد بالون اوچوردیلر. او، باشی،
 ایکی یانه ساللایه ساللایه یاری مهتابله آیدینلق، پارچه پارچه بولوطلی کوکه دوغرو
 صمودایتدی. نشئه مز آرتیوردی فقط تهلکلی دقیقه لر کلدی، قولاقدن قولاغه
 فیصله دایرلر نطق سویلک لازم، مطلقا سویللی... کیم سویله جک، کیم سویلسین؟
 بیلیرسکز که کولمکی هر شینه ترجیح ایدنلر یک نادر دکدر. خصوصیه ای بیرا،
 شراب ایچمشلردی. بری تکلیف ایتدی: متصرف بک ترکجه سویله سین، صوکره
 ترجمه ایدیلر. هر کس قبول ایتدی... قارشیمده اوطورانلر علی الحساب، کیزلیدن
 کیزلی یه کولمکه فقیر دامغه باشلادیلر. رئیس آياغه قالقدی. هر کس صوصدی،
 چاتال ییچاق سسی دوردی، قونوشانلر دوردی، قارشى ساحلده موزیکه
 دوردی. یوزلرجه بلکه بیکلرجه کیشینک سکوت دقتی تارشیننده، یاری
 مهتابک، حس ایتکدن بسبتون فارغ اوله مادیمز حزن آلتده رئیس
 نطقه باشلادی. غایت یوکسک، قالین، حاکم بر سله بکرشیلره،
 عموم رومانیا لیلره کوستر دکاری آثار نزا کتدن دولای تشکر ایتدی.
 «مقدس، کله سی صیق صیق تکرر ایتسه یدی جدا ای کیدیوردی. نصل
 اولدی بیلیم صوکنه دوغرو، ینه واعظلرک دطاسنه بکزر بر سله تمیز
 باشلادی. تخت حکمداریدن کیریشه رک برنسلر، برنسلر، حکومت، اردو و مشهور
 رومانیا دونماسی؛ هپسینه دها ایدلدى. آریور آریور دها ایده جک برشی دها
 بولیور، اونکده حقنی ویریوردی. بو تیمیورمش کبی بعض زوزک ارقداشلرده
 فرصتدن بالاستفاده آمین دیمکه باشلامازلرمی؟ مثلا: جناب حق قرالیچه
 حضرتلرینک عمرینی اوزون ایتسین. بزمکیلر، باشلرینی طاباقلرک اوسته اکشیر
 براغزندن آمین دیورلر. بودفعه ده اتکندن چکدک، یالواردق.. اوطورتدق..

اقلیم بهاره یا قلاشیوردق . کوکلرک ایچنده بیوک صائیلرله دالغه لایوب کیدن قارپانلرله ملاقی اولیور، یم یشیل اورمانلرله اورتولو بوغازلرله داخل اولیوردق . اگ آلتده میشه کورکن قاره اغاجلرله بر منطقه ، دها یوقاروده ، ساحلر کی خیشیرتیی اکیسک اولمایان جاملرک منطقه سلطنتی ، دها یوقاروده طلوعلرک غروب لرک ایلاک ضیالرینی طویلایان ، صوگ ضیالرینی تمید ایدن صرب یالچین قایالر منطقه سی . قارپاتلرک ، کوکلرک ایچنده دالغه لاییشنده ، سزه خلقتک ایلاک ادوارینی ، ایلاک هرج و مرجلرینی ، دوشوندرن بر عظمت و هیبت وار . اونلرک یانندن کچرکن مظلم ، صوئوق بر بوشلقده صاورولان سیاره ارضک بر ساکنی اولدیغکیزی غریب بر توسع حس و خیال ایله دویویور ، اکیسیورسکزی .

هنوز یاغمور یاغمش کی ایصلاق بر هوا ایچنده ایدک . سیناییا باشند باشه بیوک بر بارقه بکزییور . تمیز صاری قوملرله دوشمش اولان صابراشیق یولاری ، حوضلری ، فسقیه لری ، چن اطه لرله ، چیچکلرله دولوطر حاریلله ، اولجه کوردیکمز بکرش اووالرندن صوکره بستیون باشقه بر اقلیم ، باشقه بر عالم . ذاتا جاملرک کثرتی اپی شماله جیق دیغمزی اخطار ایدیور . سیناییا اگ زیاده نظر دقتی جلب ایدن شی صولرک چوقلغیدر . بزم کشیشک اتکلری ، بروسه طوبراقلری کی هر طرفده هر آدمده صو سسلری دویورسکزی . نهایتسز چن اطه لری اورتیه سنده بر عمود بللورک قوتله یوکسلدیکنی یوقاروده خفیف بر انخایاپه رق قیرلیدیغی ، وهیچ بر زمان اکیسک اولمایان روزکارلرک تماسیله داغیلهرق خفیف ریزه لر حالنده طرحرلرک اوسته سریلدیکی کورییورسکزی . بو بللور عمودلرده دیگر اغاجلر آره سنده صولردن متشکل اغاجلرله بکزییور ، داللری آشای صالقمش بوزدن اغاجلر ، صولردن یاپلش صالقیم سکودلر . سیناییا بلدییه سنک عشقی پک چوق حمایه ایتدیکنه قائم . محفوظ حریم گوشه لره قونولمش قانایه لر یالکزلنی آرایان جفتلر ایچون دوستانه مشفق بر تدبیر ، بر تدبیر مسامحه کارانه در . یاواش یاواش سرایلرله دوغرو جیقیوردق . اول قرالک « بیوک پلهش » دنیلن ، « بیوک قصرینی » کوره جکدک . قرالک ، قرالجه نک بزى قبول ایتمه لری ده محتملدی .

« بیوک بهلهش » آلت قاتی طاش ، اوست قاتی آچیق جویر رنکنده تحتہ برقصر . بر حکمدار ایچون چوق ساده فقط چوق سویملی بربناء، سرایه یاقلاشدیغمز وقت ، داجیاده ایلك نطقنی دیکلدیگمز دوقتور تمو بزه قوماندا ایتدی ، اوچ دفعه حوردا دیه حایقیردق . کوزلرمن سرایک داغلره ، قارانلق ، یشیل بوغازلره ناظر بالقوننه دیکلمش ، قرال شارلی بکلیوردی . ایچردن خدمه دن بری کلدی ، قرالک آوه کیتدیکنی ، مع مافیه قرالیچه حضرتلرینک تورک مسافرلری سرائی کز مکه دعوت ایتدیکنی ، حتی کندیلرینی کورمک ممکن اوله جفنی سویلدی . سدلی چیققدق ، بزى ارقه برقاپودن سرایه ادخال ایتدیلر . بزم بوزیارتمز بلغارستان قرالیچه سنک رومانیا ده ، قیرالیچه نزدنده بولندیغی برزمانه تصادف ایدیوردی و دولتمزله بلغارستانک مناسباتی غایب ، حاد غایت وخیم برحاله ایدی . سرایلره فصل کیریلیر ، بیلیرسکمز . انسان در حال کوچولور ، ناچیز اولور ، یاواش باصار ، یاواش نفس آلیر . نه لیزابتک ، عالم ادبیاتده قارمه نسیلوا نامیله معروف ، باشی تاج سلطنت وتاج صنعتله ایکی دفعه پیرایه دار اولان محترم بیوک شاعره نك صالونی اوکنده کی دهلیزدن برر برر کیوردق ، و ایچرده قرالیچه ، بزم بالالتزام شرق اصولنده ویردیگمز پراحترام سلامز به بیاض صاحبزله اورتولو اصل باشی اکرک خفیف ، فقط ملتفت بر حرکتله مقابله ایدیوردی ، ایچرده چالنان کمان و بیانو بز چکرکن صوصدی . سرایک موزه سنی زیارت ایتدک . کوردیگمز اوطه لردن بری اونوتلسی ممکن اولمایاز بر منظره ارانه ایدیوردی . بو ، رومانیا طوپراقلرنده ماضیمزی دوشونه رک دویدیغمز بیوک آجیلردن برینه سبب اولدی . داخل اولدیغمز اوطه بر اسلام اوطه سیدی ، بزم قاشلر منزله بزم اصولزده دوشنمشدی ، پرده لرك اوستنده تورکجه بریازی واردی : طاتلی شراب ، کوزل عورت ایکی مدهش زهردر . شیمدیکی قرال بر پرنس ایکن استانبولی زیارت ایتمشدی ؛ اوزمان عبدالعزیز ، پرنسه ایکی اوطه اشیاسی هدیه ایتمش و کوردیگمز اوطه او اشیا ایله دوشنمشدی . وطنمزدن قومش بر پارچه ده ، قارپات اتکلرنده طاقتی اوقدر مؤلم اولان بر پادشاهمزک تورکجه یازیلرله سوسلو بر یادکارینی بولمق نه حزن انگیز اولیور . ارقداشلر ، سوریه اولری کبی عرب اصولنده ، اوطه نك

ایچنده یاپیش حوضدن قارباتک هر دقیقه ده کیشن صونوق سولرینی ایچدیله .
 یلونا محاربه سندن کتیرلش، دهلیزاره قونمش بعض طویلری، تفکری کوردک؛
 دفتر زواره، یک محبتکار، یک متشکر برقاچ سطر یازدق و قصردن متحس،
 محظوظ دیشاری چیقدی . اقشام ینه بکرشه دونه چکدک .

ایرتسی کون بر بازار کونیدی، بزم دارالفنونک معلمری و خواجهلری
 کله چکدی. اونلر کلدیلر واک حقیقی معناسیله بکرش اونلری بریورطی برشلک
 یاپه رق قبول ایتدی. بزم هیئتده اوکون دوندی، یالکز بن برقاچ ارقداشعله
 برابر وومانیایا حکومتک دعوتیله اقامتمیزی تمدید ایتدک . بونلریده اکلاسه
 یک اوزون اوله جق . عودتده عینی یوللر، عینی مناظر، کوستجهده شرفزه
 ویریلن برضیافت، بر بالو، واپورمزک ریختمدن اوزاقلایشی و بزی ساحلرده
 تشییع ایدن بیکلرجه خلقت، تا اوزاقلرده بزی کلوب بولان، پارچه پارچه
 سسلری، تریاسقا ترکیا ندالری و بزم اونلره ایصال ایتمکچالیشدیغمز یاشاسین
 رومانیایا، تریاسقا رومانیایا ندالرمز . صوکره قره دکر و نهایت استانبول .

محمدالله صمیمی



آلتایله طوغری

(باشی ۱ نجی بیلک ۱۲ نجی سایینده)

(ارمسفی) دهیم . شهرک اورته سنده، (ارم) نهرینک ایرتیشه دوکولدیکی
 محله کاشن واپور اسکله لرینه اوغرادقدن صوکره، یدی سکر ساعت قدر شهرده
 قاله بیله جکمزری اوکرندم . بومدت بکا کافی کلدی . سیریانک مرکز اداره سی
 اولان بوشهرک کوریه جک یرلرینی، چارشیلرینی، بازارلرینی طولاشدم، بعضی
 محترم سیالریده زیارت ایده بیله جک فرصت بولدم . فقط شهر انتظام و معموریجه
 داخلی روسیه نککیلره نظر آخیلی کیروده ایدی . مع ذلك جاده لرده، چارشیلرده